

Stefna FB í alþjóðamálum á sviði starfsmenntunar 2022-2023

Sýn, hlutverk, gildi og stefnumið Fjölbautaskólans í Breiðholti

Sýn FB er sú að efla einstaklinga til þess að skapa kærleiksíkt sjálfbært samfélag. **Hlutverk** okkar er að mennta fólk til lokaprófs úr framhaldsskóla. **Gildi** skólans eru virðing, fjölbreytni og sköpunarkraftur. Skólinn hefur þessi **stefnumið**:

- Við leggjum áherslu á frið, lýðræði, réttlæti, jöfnuð og jafnrétti.
- Við vinnum saman að góðum námsárangri allra nemenda.
- Við menntum nemendur til að stuðla að sjálfbærni og virða líf og umhverfi.
- Við stuðlum að vellíðan og valdeflingu nemenda og starfsfólks.
- Við leggjum áherslu á góða samvinnu, hvetjandi og nærandi samskipti.
- Við iðkum, kennum og hlúum að nýsköpun.
- Við ræktum góð tengsl út á við og vinnum með nærsamfélagi skólans.

Erlent samstarf: markmið

Erlent samstarf fellur undir stefnumið skólans um að rækta góð tengsl út á við. Öflugt erlent samstarf er mikilvægur þáttur í því verkefni skólans bjóða nám í hæsta gæðaflokk. Erlent samstarf styrkir ímynd skólans og stuðlar að aukinni aðsókn að list- og starfsmenntabräutum. FB er virkur þátttakandi í erlendu samstarfi og viðheldur þannig og styrkir tengsl við menntastofnanir og fyrirtæki í útlöndum. Gagnkvæmar heimsóknir auka viðsýni og starfsgleði nemenda og starfsfólks.

Við gefum nemendum okkar tækifæri á að stunda nám og þjálfun erlendis og þannig að kynna sér skóla og fyrirtæki í útlöndum. Með þátttöku í atvinnulífi í útlöndum kynnast nemendur okkar fjölbreyttum starfsaðferðum og þjálfast í erlendum tungumálum. Þannig búum við nemendur betur undir framhaldsnám og störf í heimi þar sem þörf er á gagnkvæmum skilningi fólks.

Við gerum starfsfólki okkar mögulegt að eflast í starfi, sem og efla tengslanet sitt við erlendar menntastofnanir og fyrirtæki og gefum þeim kost á símenntun í útlöndum. Í gegnum samtal og samstarf styrkist fagmennska starfsfólks og virðing fyrir menningu og siðum annarra þjóða eykst.

Erlent samstarf: aðgerðir

- Í öllum kynningum á skólanum segjum við frá alþjóðasamstarfi skólans og þeim möguleikum sem það gefur nemendum og fagfólk. Á heimasíðu skólans eru góðar upplýsingar um erlent samstarf og þá möguleika sem eru í boði.
- Nemendaskipti og námsferðir eru meginstoð í alþjóðastarfinu. Við viljum veita list- og verknámsnemendum tækifæri til að stunda hluta af námi sínu erlendis. Þá tekur skólinn virkan þátt í gagnkvæmum heimsóknum og skipuleggur móttöku erlendra nema og starfsfólks.
- Við viljum að starfsfólk eigi þess kost að heimsækja skóla, fyrirtæki og stofnanir erlendis og kynnast þannig því sem efst er á döfinni á þeirra starfssviði sem og faggreinunum. Við leggjum

- áherslu á að starfsfólk fylgist með nýjungum í stafrænni miðlun sem og aðferðum og áherslum í námi og kennslu hverjum stað.
- Unnið er samkvæmt sjálfbærnistefnu skólans, reynt að lágmarka kolefnisspor og kolefnisjafna allar flugferðir til útlanda.
 - Við vinnum að því að efla enn frekar samstarf okkar við skóla, fyrirtæki og stofnanir í Evrópu og alþjóðafulltrúi sækir Erasmus-ráðstefnur erlendis.
 - Í skólanum og nærumhverfi er lögð áhersla á að segja frá hinu erlenda samstarfi, hvernig opnast hefur á ný tækifæri og nýja möguleika og hvernig víðsýni og umburðarlyndi hefur aukist fyrir tilstilli þessara gagnkvæmu samskipta.

Erlent samstarf: skipulag og framkvæmd

Alþjóðafulltrúi er í nánum samskiptum við fagstjóra og kennara og situr vikulega stjórnendafundi. Þá taka fagstjórar og valdir nemendum virkan þátt í kynningu á alþjóðastarfi skólans og aðstoða meðal annars við skipulagningu alþjóðaviðburða innan skólans.


Alþjóðafulltrúi sækir um styrki, aðstoðar við að finna skóla og fyrirtæki, undirbýr og skipuleggur ferðir og sér til þess að pappírar séu rétt út fylltir. Á meðan á ferðum stendur fylgist alþjóðafulltrúi með framgangi mála. Að ferðum loknum sér alþjóðafulltrúi um að þátttakendur svari spurningalistum, tekur viðtöl við þá og fylgir eftir ábendingum og úrbótatillögum úr lokaskýrslum þátttakenda.

Erlent samstarf: gæði og mælaborð

Áhersla er lögð á:

- góða kynningu á þeim möguleikum sem standa til boða
- að gefa öllum nemendum jöfn tækifæri
- góðan undirbúning ferða og viðburða
- að allar ferðir verði metnar og niðurstöður skráðar
- að þátttakendur miðli af reynslu sinni til skólasamfélagsins
- gott samstarf við alþjóðaskrifstofu
- sjálfbærni, umhverfisvitund og kolefnisjöfnun ferða.

Reykjavík, 18. október 2022


Guðrún Hrefna Guðmundsdóttir skólameistari